



Broj: 02-05-2648/17
Lukavac, 12.12.2017.godine

Na osnovu člana 64. stav (1). tačka b), člana 25. i člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), na Preporuku Komisije za provođenje postupka javne nabavke broj: 02-05-2648/17 od 11.12.2017.godine u otvorenom postupku javne nabavke radova za modernizaciju putnog pravca Turski Lukavac – Bistarac Donji, dionica 2, od profila 109 u dužini od L=383,00 m, Općinski Načelnik d o n o s i

O D L U K U o izboru najpovoljnijeg ponuđača - LOT 1

Član 1.

Prihvata se preporuka Komisije za provođenje postupka javne nabavke broj: 02-05-2648/17 od 11.12.2017.godine i Ugovor za javnu nabavku radova za modernizaciju putnog pravca Turski Lukavac – Bistarac Donji, dionica 2, od profila 109 u dužini od L=383,00 m – LOT 1, dodjeljuje se ponuđaču "RIAL-ŠPED" d.o.o. Doboj Istok, ponuda broj: 148/17 od 13.11.2017.godine i konačne rang liste nakon završene e-aukcije, za ponuđenu cijenu u vrijednosti od 135.256,00 KM bez PDV-a, kao najpovoljnijem ponuđaču.

Član 2.

Izabrani ponuđač dužan je nakon prijema Odluke o izboru dostaviti u roku od 7 (sedam) dana originale ili ovjerene kopije dokaza o ispunjavanju uslova iz člana 45. stav (2) tačka od a) do d) Zakona o javnim nabavkama BiH, navedene u tački 12.1. od a) do d) tenderske dokumentacije; originale ili ovjerene kopije potvrda poslovnih banaka koje su dostavljene kao kopije u ponudi, a u skladu sa tačkom 13.2.4. tenderske dokumentacije; originale ili ovjerene kopije potvrda Poreske uprave o broju uposlenih/Listu osiguranih lica, koja ne smije biti starija od 3 mjeseca računajući od trenutka predaje ponude, a u skladu sa tačkom 13.3.4. tenderske dokumentacije.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan način, ugovor za javnu nabavku dodijeliti će se drugorangiranom ponuđaču u skladu sa članom 72. stav (3) Zakona o javnim nabavkama.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

Član 4.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-02-1-2647/17 od 10.11.2017.godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 123.182,80 KM.

Obavještenje o nabavci broj: 719-1-3-98-3-63/17 objavljeno je na Portalu javnih nabavki dana 10.11.2017.godine.

Strana 1 od 2



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015 No.
308550 QM15

Komisija za provođenje postupka nabavke imenovana Rješenjem broj: 02-05-2756/17 od 21.11.2017.godine dostavila je ugovornom organu-Općinskom Načelniku Zapisnik o pregledu i ocjeni ponuda – LOT 1, broj: 02-05-2648/17 od 04.12.2017.godine i 11.12.2017.godine, Preporuku o izboru najpovoljnijeg ponuđača – LOT 1, broj: 02-05-2648/17 od 11.12.2017.godine i Izvještaj o radu – LOT 1, broj: 02-05-2648/17 od 11.12.2017.godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno šest ponuda;
- da je blagovremeno primljeno šest ponuda;
- da nije bilo neblagovremeno primljenih ponuda;
- da ponuda ponuđača „GEO-PUT“ doo Maglaj nije kvalifikovana i da je ista odbačena. Naime, ponuđač „GEO-PUT“ doo Maglaj nije preuzeo tendersku dokumentaciju putem sistema „E-nabavke“ što je bio u isključivoj obavezi, a kako je određeno tačkom 2.2. Tenderske dokumentacije.

Komisija je u skladu sa tačkom 2.2. i tačkom 14. Tenderske dokumentacije, te članom 68. stav 1. Zakona o javnim nabavkama ponudu odbacila.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 123.182,80 KM i da je kriterij za dodjelu ugovora najniža cijena. Komisija je obezbijedila saglasnost Službe za urbanizam, prostorno planiranje i investicije za povećanje procijenjene vrijednosti javne nabavke.

Ponuđač "RIAL-ŠPED" d.o.o. Doboju Istok dostavio je prihvatljivu ponudu sa konačnom cijenom nakon završene e-aukcije u iznosu od 135.256,00 KM bez PDV-a.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015.godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

**OPĆINSKI NAČELNIK**
Dr. Šć. Edin Delić

Dostaviti:

1. "RIAL-ŠPED" doo Doboju Istok
2. „HOLEX“ doo Živinice
3. „POROBIĆ“ doo Zavidovići
4. „ROADING“ doo Gračanica
5. Konzorcij „BAŠANOVIĆ“ doo – „ED-MEL“ doo
6. „GEO-PUT“ doo Maglaj
7. Evidenciji
8. Arhivi.